



Tuhaqtidjutikhaq

Kamisina Kusugak tuhaqtitiyuq tuniyaayunik haffuminga 2018 Nunavunmi Kamisinam Hunaliurnikkut Aituutikharnik

IQALUIT, Nunavut (Qitiqqautiyuq 26 , 2019) – Nanngariyaayuq Nellie T. Kusugak, Kamisina Nunavunmun, ublumi tuhaqtitiyuq tuniyaayunik haffuminga 2018 Nunavunmi Kamisinam Hunaliurnikkut Aituutikharnik. Aituunmik tuniyaayuq Susan Avinngaq Igloolingmiutaq unalu Jaco Ishulutaq Pangnirtungmiutaq attautit tuniyauniagtuk maniinangmikwill \$5,000 taalamik uvalu ilitaridjunmik Kamisina.

“Quvianaqtuq ilitariblugik ukua Mrs. Avinngaq unalu Mr. Ishulutaq aghut ikayuutainik Nunavunmun hulilukaangnikkut”, uqaqtuq Kamisina Kusugak.

Ingilraangnin hanayi, Jaco Ishulutaq, nakuuqpiaqtumik hanayi kina nakuunikkut kivraqtuqtuq hapkununga Inuit Hulilukaaringnikkut pitquhiq. Mr. Ishulutaq katimaqatauvaktuq amigaituni qungiaqtitinikkut havaaminik tamaini nunaqyuami. Hanavaliqhuni 16nik ukiuqalirami, Jaco piniqtunik hanavaktuq uvalu amigaituni inulramingnik hulilukaatuqtut tautuktaat tautukhugu nakuunikkut tautuktauyuq. Mr. Ishulutaq quvigiyaa hulilukaangniq; ayuqituihimaaqhuni uvalu aghuuqhablugit amigaitut aalat pihimalugu una pitquhiq pihimahimaaglugu Inuit hulilukaarutaa amigaituni ukiuni qaiyuni.

Inuit unipkaanginik unipkaaqtit, qungiaqtitiyi/pinguaqti, makpiraaliuqti/titirauyaqti uvalu aanuyaanic idjuhikhainik havakti, Susan Avinngaq tautuktitibluni hulilukaarutinimini kitu aulahimaagtumik uqautigiblugu Inuit pitquhiinik. Avatqumayut25 ukiut, Mrs. Avinngaq pihimayuq alakiinik munaridjutinik havaktauyunin uvalu uqautigiblugit angiyuq ilihimanirminek Inuit Pitquhiit atuqtauyut, ilitquhiit, unipkaat uvalu atuutait. Mrs. Avinngaq aularaanginaqtuq tamaqtailiblugu uvalu munagittiaqhugu Inuit pitquhiit, ilitquhiit uvalu havakpaktait amigaituni titirauyangnikkut.

Nunavunmi Kamisinam Hunaliurnikkut Aituutikharnik havaktauhimayuq haffumanga Kamisinaugaluq Ann Meekidjuk Hanson nanngarilugit hulilukaangnikkut nakuunikkut havaktauyut Nunavunmi hulilukaarutait. Niruarutit ihivriuqtauyut tikuaqtauhimayunin katimayiin, kitut ilaayut ilihimattiaqtut hulilukaarutinik uvalu pitquhingnik Nunavunmi. Niguaqtauhimayut ihumaliuruatuyut inmi hulilukaarutaitigut pihimayait uvalu qanuginiit hulaqtauyut inmi havaktamingnik.

###

Naunaiqhittiarumaguvit hivayaqlugu:

Jonah Oolayou, Atanguyam Ikayuktinga
Havakvia Kamisinam Nunavunmi
867-975-5120 Joolayou@gov.nu.ca